

**MESYUARAT KEDUA (BELANJAWAN 2022)
BAGI PENGGAL PERSIDANGAN KEEMPAT
DEWAN NEGERI JOHOR YANG KEEMPAT BELAS
PADA HARI ISNIN, 22 NOVEMBER 2021, JAM 9.30 PAGI**

SUSUNAN PERKARA-PERKARA MESYUARAT

- 1. DOA.**
- 2. PEMASYHURAN DARIPADA YANG BERHORMAT SPEAKER DEWAN NEGERI JOHOR.**
- 3. SOALAN LISAN**

**YB TUAN DR. SULAIMAN BIN MOHD NOR (KEMELAH)
SOALAN 1 (A72)**

Apakah status terkini Daerah Segamat sebagai satu kawasan dalam koridor Wilayah Ekonomi Pantai Timur (ECER)?

**YB TUAN SR. DZULKEFLY BIN AHMAD (KOTA ISKANDAR)
SOALAN 2 (A160)**

Sejauh manakah Tujuh Ikhtiar Makmur Johor telah memberikan impak kepada proses pemulihan ekonomi Johor pasca Covid-19 dengan memberikan indikator-indikator kejayaannya seperti jumlah pelaburan yang masuk ke Johor, jumlah peluang pekerjaan, jumlah peningkatan hasil negeri, peningkatan jumlah eksport dan sebagainya.

**YB TUAN TAN CHEN CHOON (JEMENTAH)
SOALAN 3 (A11)**

Apakah halatuju kerajaan negeri pasca Covid-19 untuk memulihkan dan memperkukuhkan pembangunan ekonomi Johor? Apakah objektif-objektif yang ingin dicapai dalam jangka masa pendek, sederhana dan panjang dalam usaha memperkasakan pembangunan Industri Revolusi 4.0?

**YB TUAN TAN CHEN CHOON (JEMENTAH)
SOALAN 4 (A9)**

Nyatakan status kemajuan terkini berkenaan dengan Pembangunan Taman Perindustrian Bukit Gambir dan Zon Ekonomi Pagoh. Apakah limpahan nilai, manfaat dan jumlah peluang pekerjaan yang akan dibawa kepada penduduk setempat dan jenis industri yang akan diberi keutamaan dalam pembangunan tersebut.

YB TUAN HAHASRIN BIN HASHIM (PANTI)

SOALAN 5 (A143)

Apakah status penganjuran SUKMA 2022 dan SUKMA 2024 dari segi persiapan atlet dan persiapan kemudahan sukan di negeri Johor?

YB TUAN YEO TUNG SIONG (PEKAN NENAS)

SOALAN 6 (A148)

Berapakah jumlah peruntukan kerajaan persekutuan bagi menganjurkan SUKMA di negeri Johor serta apakah impak kerugian apabila SUKMA tidak dijalankan di Negeri Johor?

YB TUAN MOHD. KHUZZAN BIN ABU BAKAR (SEMERAH)

SOALAN 7 (A60)

Setelah Sukma 2020 ditangguhkan ke tahun 2024, apakah perancangan pihak Kerajaan Negeri bagi memastikan fasiliti yang sedia ada dalam keadaan yang terbaik sehingga 2024 serta senaraikan kejohanan yang akan diadakan pada tahun 2022 di fasiliti sedia ada.

YB CIK LIOW CAI TUNG (JOHOR JAYA)

SOALAN 8 (A174)

Dugong, Jerung Paus (Whale Shark), Manta Ray dan ikan lumba-lumba (Dolphin) telah dijumpai di Kepulauan Mersing. Apakah usaha pihak kerajaan untuk melindungi haiwan laut yang berharga ini dan mengambil kesempatan ini supaya dapat menarik pelancong?

YB PUAN NOR RASHIDAH BINTI RAMLI (PARIT RAJA)

SOALAN 9 (A103)

Minta dinyatakan usaha Jabatan Pendidikan Negeri Johor dalam menangani murid bagi memastikan murid menguasai kemahiran membaca, menulis dan mengira selepas tempoh pandemik

YB PUAN GAN PECK CHENG (PENGKARAM)

SOALAN 10 (A170)

Apakah rancangan kerajaan di sepanjang parit Jalan Chengal bermula dari Sungai Batu Pahat hingga persimpangan Jalan Zabedah yang mengalami masalah limpahan air ke jalan-jalan perumahan ketika berlaku air pasang?

YB PUAN GAN PECK CHENG (PENGKARAM)

SOALAN 11 (A172)

Apakah rancangan kerajaan bagi mengatasi masalah banjir kilat di tiga kawasan sepanjang Jalan Tanjung Labuh, Batu Pahat?

YB PUAN GAN PECK CHENG (PENGGARAM)

SOALAN 12 (A167)

Apakah rancangan kerajaan di dalam mengatasi masalah banjir kilat yang sering berlaku di Taman Batu Pahat dan sekitarnya akibat dari air pasang surut dan hujan lebat?

YB TUAN SR. DZULKEFLY BIN AHMAD (KOTA ISKANDAR)

SOALAN 13 (A153)

Bagaimanakah prestasi syarikat-syarikat konsesi yang telah dilantik oleh kerajaan iaitu Teto Engineering Sdn. Bhd., Amona Infracare Sdn. Bhd., Safwa Global Sdn. Bhd. dan Infra Desa Johor (IDJ) dan apakah perancangan kerajaan dimasa hadapan berdasarkan kepada prestasi tersebut?

YB TUAN MUHAMAD SAID BIN JONIT (MAHKOTA)

SOALAN 14 (A45)

Siapakah yang bertanggungjawab untuk memantau operasi Sekolah Tahfiz swasta yang terdapat didalam negeri Johor dan apakah yang telah dilakukan oleh pihak yang bertanggungjawab untuk memastikan operasi, sukatan pelajaran dan pengurusannya mampu menghasilkan pelajar yang cemerlang ?

YB TUAN CHEN KAH ENG (STULANG)

SOALAN 15 (A117)

Apakah rancangan jangka masa panjang dan pendek dalam menangani pencemaran sungai oleh para penduduk penempatan sekitar sungai?

YB TUAN CHEO YEE HOW (PERLING)

SOALAN 16 (A165)

Apakah butir-butir untuk program-program atau aktiviti-aktiviti untuk tujuan pemeliharaan dan pemuliharaan sungai-sungai dalam Daerah Johor Bahru yang dijalankan untuk masa terkini?

YB PUAN CHEW PECK CHOO (YONG PENG)

SOALAN 17 (A97)

Nyatakan berapakah jumlah kilang dan syarikat yang terpaksa ditutup serta berapakah jumlah rakyat negeri Johor yang hilang pekerjaan akibat pandemik Covid-19.

YB TUAN RAVEN KUMAR A/L KRISHNASAMY (TENGGAROH)

SOALAN 18 (A23)

Melalui pengumuman YAB Menteri Besar dalam PRE Ihsan Johor 3.0, telah disebut mengenai perkhidmatan kaunseling dibawah YPKDT. Berapakah jumlah yang telah diberikan perkhidmatan kaunseling dan apakah program lain yang dilaksanakan di bawah perkhidmatan ini?

YB DATO' SHARIFAH AZIZAH BINTI DATO' SYED ZAIN (PENAWAR)

SOALAN 19 (A4)

Adakah kerajaan negeri telah menjayakan Dasar 1% OKU dalam sektor awam serta usaha kerajaan bagi memastikan Dasar 1% OKU diluaskan kepada semua GLC di Johor?

YB TUAN YEO TUNG SIONG (PEKAN NENAS)

SOALAN 20 (A149)

Hulu Sungai Tanjung Air Hitam dan Sungai Pontian Besar cetek disebabkan mendapan pasir sehingga penduduk berkali-kali menghadapi banjir. Apakah tindakan pihak kerajaan untuk mengatasinya?

YB TUAN EE CHIN LI (TANGKAK)

SOALAN 21 (A92)

Apakah usaha yang dilakukan oleh Kerajaan Johor bagi membantu Persatuan Sukan yang terjejas akibat COVID-19?

YB TUAN TAN HONG PIN (SKUDAI)

SOALAN 22 (A132)

Nyatakan pertimbangan pihak kerajaan semasa memberikan kebenaran membangun bagi projek perumahan strata bertanah (landed strata) dengan menyatakan kelebihan jenis pembangunan ini dan jangkaan implikasinya terhadap pentadbiran PBT dalam memberikan perkhidmatan kepada pemegang hartanah kategori ini.

YB TUAN HAJI ABD TAIB BIN ABU BAKAR (MACHAP)

SOALAN 23 (A126)

Sukan berbasikal semakin mendapat tempat di hati anak-anak muda. Apakah usaha yang telah dilakukan oleh Kerajaan Negeri dalam usaha mempromosi aktiviti yang sihat ini kepada golongan muda untuk aktiviti gaya hidup sihat?

YB DATO' ZULKURNAIN BIN HAJI KAMISAN (SRI MEDAN)

SOALAN 24 (A42)

Musim tengkujuh khasnya dan musim hujan amnya mengakibatkan banyak kawasan rendah terlibat dengan banjir walaupun pelbagai usaha telah dilaksanakan. Apakah perancangan kerajaan negeri dan kaedah yang terbaik bagi mengatasi masalah ini?

YB PUAN GAN PECK CHENG (PENGKARAM)

SOALAN 25 (A169)

Selain dari pemberian notis kepada pemilik tanah, apakah solusi kerajaan di dalam mengatasi masalah pokok-pokok tinggi dan semak yang berada di tanah dan bangunan terbiar berhampiran perumahan, di mana keadaan ini memberi ancaman pokok tumbang dan haiwan liar kepada penduduk?

YB TUAN MUHAMAD SAID BIN JONIT (MAHKOTA)

SOALAN 26 (A46)

Terdapat banyak kawasan yang tidak diselenggara perparitan, rumput tidak dipotong dan pokok tidak dicantas pada jangkamasa lama. Alasannya adalah sedang proses lantikan kontraktor. Perkara ini sentiasa menjadi punca permasalahan kepada rakyat? Apakah tindakan pihak bertanggungjawab untuk menyelesaikan isu mudah ini?

YB DATUK MD OTHMAN BIN YUSOF (KUKUP)

SOALAN 27 (A101)

Oleh kerana sukan "Drag Bike Race" sangat popular di negara jiran, mengapa tidak sukan ini dibangunkan di Johor? Sukan ini dapat membentuk belia berinovasi dalam bidang permotoran. Saya cadangkan sebuah track dibina di setiap DUN dan dikendalikan oleh PBT.

YB TUAN YEO TUNG SIONG (PEKAN NENAS)

SOALAN 28 (A151)

Apakah langkah kerajaan yang akan diambil supaya dapat mengurangkan masalah pencemaran udara ataupun leachate water tapak pelupusan sampah Pekan Nanas selepas tranfer station Pekan Nanas siap dibina?

YB TUAN HAJI SHEIKH 'UMAR BAGHARIB BIN ALI (PALOH)

SOALAN 29 (A84)

Sila nyatakan status terkini pembinaan Kem Tentera di Jalan Kluang - Mersing, dalam Parlimen Sembrong. Sila nyatakan adakah sudah ada pengundi dipindah ke kem tersebut, siapa mereka, berapa ramai jumlah dan adakah mereka akan terlibat mengundi dalam pilihanraya akan datang?

YB TUAN JIMMY PUAH WEE TSE (BUKIT BATU)

SOALAN 30 (A31)

Sila nyatakan status terkini projek pemindahan air & LRA Layang 2 Fasa 2?

YB TUAN TAN CHEN CHOON (JEMENTAH)

SOALAN 31 (A10)

Nyatakan status kemajuan terkini berkenaan dengan projek pembinaan LRA Kahang, Empangan Selidi Besar dan penyaluran air mentah paip dari Sungai Endau ke Empangan Selidi Besar. Dengan siapnya semua pembinaan ini, apakah peningkatan jumlah bekalan air terawat harian di Johor?

YB KAPT (B) HAJI NAJIB BIN LEP (BUKIT PASIR)

SOALAN 32 (A108)

Berapakah jumlah statistik mangsa Covid-19 yang meninggal dunia serta urusan harta pusaka mereka yang dapat diselesaikan oleh pihak yang berkenaan?

YB TUAN DR. RAMAKRISHNAN A/L SUPPIAH (BEKOK)

SOALAN 33 (A56)

Saya menerima aduan daripada penduduk di kawasan saya bahawa wang khairat kematian kepada waris penerima BPR telah ditamatkan. Minta penjelasan daripada pihak LHDN berkaitan perkara ini ?

YB TUAN EE CHIN LI (TANGKAK)

SOALAN 34 (A89)

Apakah usaha yang telah diambil oleh kerajaan terhadap cadangan ADUN untuk menubuhkan lebih banyak Jawatankuasa Pilihan Khas di peringkat DUN serta status terkini cadangan tersebut?

YB TUAN DR. SULAIMAN BIN MOHD NOR (KEMELAH)

SOALAN 35 (A70)

Apakah status dan perkembangan terkini usaha untuk mewujudkan Universiti Johor?

4. PERBAHASAN ATAS RUNDINGAN BACAAN KALI YANG KEDUA BAGI RANG UNDANG-UNDANG ENAKMEN PERBEKALAN (2022) TAHUN 2021

----- (BAHASAN YB BACK-BENCHERS) -----

Persidangan ditangguhkan sehingga hari Selasa, 23 November 2021, jam 9:30 pagi.